



Sikuki Nuuk Harbour A/S
Aqqusinersuaq 48A
Postboks 4102
3900 Nuuk

Nuummi kilisaatinut terminalip allineqarneranut atatillugu talittarfinnik talliliinissaq, piffissap sanaartorfiusup nalaani napasunik RD-nik atuinissaq aamma ujarassiorfimmik allannguinnissaq pillugu ASN-imut suliami allannguutissatut nalunaarutip misissorneqarnerani aalajangiineq

Pinngortitamut Avatangiisinullu Naalakkersuisoqarfiup (matuma kingorna 'Naalakkersuisoqarfik' 4. juuni 2025-mi ASN-imut nalunaarummi¹ § 5, imm. 2 naapertorlugu *suliaq* "Sikuki Nuuk Harbour A/S-imi Kilisaatinut terminalip allineqarnissaa" pillugu ASN-imut suliami allannguutissanut nalunaarut Sikuki Harbour A/S-imiit (matuma kingorna 'Sikuki') tiguaa.

Suliassamut allannguutissanut nalunaarut Nuummi kilisaatinut terminalip allineqarnissaanut ASN-imut akuersissummi qulequttanut pingasunut ukununnga allannguutissatut qinnuteqaataavoq.

- Talittarfiup takissusianik 300 meteriniit 350 meterinut talliliinissaq (Kilisaatinut terminalimut 200 meterinut aamma talittarfimmut illersornissaqarfiup iligiillu angallataaannut atornerqarnerusumut 150 meterinut agguarlugit)
- Napasunik RD-nik atuinissaq (talittarfimmi iikkanut simissianut taarsiullugu)
- Ujarassiorfimmik toqqarneqartumik allannguinnissaq – mittarfiup avannamut kangiani ujarassiorfimmik atuneq.

Tunngaviusoq

8. novembari 2024-mi Nuummi Kilisaatinut terminalip allineqarnissaa Naalakkersuisuniit ASN-imut akuersissutigineqarpoq. Akuersissutip tunniunneqarnerata kingorna suliassami pissutsit ilaannik allanngortoqarpoq, taakkulu suliassamut allannguinnermik nalunaaruteqarnissamut tunngaviliupput. Akuersissummi talittarfik 200 meteri kilisaatinut taliffissatut siunniunneqarpoq, kiisalu sinneruttoq 100 meteriusoq pingaartumik Illersornissaqarfimmut – aammalu iligiit angallataannut – atugassatut immikkoortinneqarluni.

Talittarfiup takissusiata tallineqarnissaa

¹ Pisortat oqartussaafigisaanni suliffeqarfiinilu nioqqutissanik kiffartuussinernillu pisiniarnermut tunngatillugu neqerooruteqartitsisarneq pillugu Inatsisartut inatsisaat nr. 5, 27. marsi 2013-imeersoq

Allakkap ullua: 01-08-2025
Suliap normua: 2023 - 7484
Allagaatip ilisarnaataa:
25500245

Postboks 1614
3900 Nuuk
Oqa. (+299) 34 50 00
Fax (+299) 34 54 10
E-mail: pan@nanoq.gl
www.naalakkersuisut.gl

ASN-imut nalunaarummi allassimavoq, nunamut politikikkut pissutsit pequtaallutik Issittumi isumannaallisaanermut alapernaarsuinemullu pisariaqartitsineq annertusiartortoq. Talittarfiup avannarpasissortaan 200 meterimut sulililisaatit talittassapput, sinneralu 150 meteriusoq pingaartumik Illersornissaqarfiup iligiillu angallataanit atorineqassaaq. Umiarsuit allat sulililittarfiup nutaartaata kilisaatinit sakkutuullu angallataanit atorineqannginnerani talissinnaassapput. Taamaattumik talittarfiup takissusiata tallissutissaatut nalunaarutigineqartup 50 meteriusup pingaartumik sakkutuut suliaannut atorineqartussatut eqqarsaatigineqarpoq.

Erseqqissaatigineqassaaq, talliliinissaq tunngavigalugu piffissaq sanaartorfiusussaq ukiunik marlunniit pingasunut sivitsortussaammat.

Naalakkersuisoqarfiup naliliinermi pingaartumik avatangiisini pissutsit uku eqqumaffigai:

- Nipiliorfiup annertusinissaa (silaannaq imerlu)
- Qaamaneq pujoralallu
- Piffissap sanaartorfiusup nalaani angallanneq
- Piffissap sanaartorfiusup sivitsornissaa
- Atortunik uninngatitsineq sivisunerusoq

Napasunik RD-nik atuinissaq

ASN-imut nalunaarummi allassimavoq, ASN-imut akuersissummi talittarfiup iigartaa saviminernik simissianik, talittarfiup iigartaa tamakkerlugu sinnerlugu qaartiterilluni itersaliamut inissinneqartussanik atuilluni sananissaaq naatsorsuutigineqartoq. Sanariaatsimi tassani immap iluani qaartiterinerit, taamaallillunilu piffissami sanaartorfiusumi suliaqarfiusumi immami avatangiisinut sunniutit annertunerunissaat pisariaqarpoq. Napasunik RD-nik, qaartiterilluni itersalianut simissianut taarsiullugu atuinermi entreprenør it aaqqiissutissamik, ulorianannginnerusutut naliliiffigineqartumik toqqaanissamut kiffaanngissuseqarnerulernissaat, tamatumalu peqatigisaanik immami avatangiisinut sunniutissat killeqarnerulernissaat qulakkeerneqassaaq.

Napasut RD-t simissianut itersaliamut ilineqartunut naleqqiullutik immap naqqata qaarsortaanut qillerilluni ikkunneqarnerminiit qajannaatsorujussuanngoreertarput. Taamatuttaaq aaqqiissutissaaq taanna atorlugu talittarfinnut ilusilersugaasunut pioreersunut qanittumi qaartiterinermi ulorianartorsiortitsinissat annikillisinneqassapput.

Sikuki-miit erseqqissaatigineqarpoq, sulilimmap naqqani ataasiakkaanik qaartiterinissaaq pisariaqarsinnaasoq, tassungalu tunngatillugu Naalakkersuisoqarfiup erseqqissaatigaa, ASN-imut akuersissummi pinaveersaartitsilluni iliuusissat sulilimalinneqartussaasut.

Naalakkersuisoqarfiup naliliinermi avatangiisini pissutsit uku immikkut eqqumaffigai:

- Immap iluani nipiliorneq
- ASN-imi akuersissummi immap naqqani qaartiterinermi pinaveersaartitsinissamut iliuusissat

Ujaqqeriviup toqqakkap allannngortinneqarnera

ASN-imut nalunaarummi allassimavoq, ujaqqanik qaartiterlugit piiakkanik immiissutissat mittarfiup kujammut kangiani, Nukissiorfiit sakkortusaaveqarfiata qanitaani ujaqqanik paaavissatut aalajangiunneqartumit pissarsiarineqarnissaat naatsorsuutigineqartoq ASN-imut akuersissummi allassimasoq. ASN-imut nassuiaammut ujaqquerivimmiit suliaqarfissamut ujaqqat qaartiterlugit piiakkat assartuunneqarnissaat ilaatinneqartoq. Mittarfiup avannaata kangiata tungaani ujaqquerivik alla atorneqassappat, ujaqquerivimmik pilersinneqareersimasumik ingerlasumillu atuisoqarsinnaalissaaq. Allannguinermi ujaqqueriviup suliaqarfiullu akornanni ingerlaffissaq tallissaaq, tamannalu angallannermut sunniuteqassaaq.

Illernit 2001 aqputigalugu ingerlaffissaq, angallavinni angallaviunnginnerpaasutut najugaqarfinnullu akornusersuiffiunnginnerpaasutut, kisiannili aamma takinerpaasutut naliliiffigineqarpoq. Sikuki pinaveersaartitsinermi iliuusissatut siunnersuuteqarpoq, Borgmester Anniitap Aqqusernani / Qarsumi aqqusernit paarlaffianniit Illernit 2001-ip aqqusernani pisuinnaat aqputaata tungaanut 500 meterit missaanniittumik pisuinnarnut / sikkilertunut aqquserniortoqassasoq. Kiisalu Sikuki siunnersuuteqarpoq, aqqusernit paarlaffianni tassani aqqusernani nalunaaqutsersukkat nutarterneqassasut. Pinaveersaartitsinermi iliuusissat kommuni suleqatigalugu ataqtigiiissaarneqassapput. Naalakkersuisoqarfimmiit erseqqissaatigineqarpoq, pinaveersaartitsinermi iliuusissat matuma siuliani taaneqartut ujaqqanik qaartiterilluni piiakkanik assartuussinissap aallartinnissaa sioqqullugu suliarineqassasut.

Naalakkersuisoqarfiup naliliinerminni avatangiisini pissutsit uku immikkut eqqumaffigai:

- Angallanneq
- Aqqusineq assartuiffik
- Ingerlanerit amerlassusii
- Illernit 2001-ip aqqusernani pinaveersaartitsilluni iliuusissat

Aalajangiineq

Talittarfimmik talliliinissaq, piffissap sanaartorfiusup nalaani napasunik RD-nik atuinnissaq aamma ujarassiorfimmik toqqarneqartumik allannguinissaq ASN-imut nalunaarut naapertorlugu ASN-iliortussaataaffiussanngilaq.

Aalajangiinermut tunngavilersuut

ASN-imi suliaq "*Sikuki Nuuk Harbour A/S-imi Kilisaatinut terminalip allineqarnissaa*" pillugu Sikuki-miit talittarfiup takissusianik talliliinissaq, napasunik RD-nik atuinnissaq aamma ujarassiorfimmik toqqarneqartumik allannguinissaq pillugu suliaassamik allannguinissamut nalunaarut suliaassami allannguutissat avatangiisinut sunniutissatut naatsorsuutigineqartut naliliiffiginarlugit misissorneqarpoq.

Kilisaatinut terminali sanaartugassaavoq ASN-imut akuersissuteqarfigineqartussaasoq, taamaattumillu ASN-imut maleruagassat

naapertorlugit suliassamik allannguinnissaq, suliassami allannguutissat imminni ASN-iliortussaataaffiunersut naliliiffiginarlugu nalunaarutigineqartussaavoq, tak. ASN-imut nalunaarummi § 5, imm. 2.

Kilisaatinut terminalip allissutissaa suliaqarfissami, ASN-imut nassuiaammi sammineqartumi, aammalu ASN-imut akuersissummi maleruagassiuunneqartumi inissisimavoq.

Talittarfiup tallineqarnissaa

Talittarfiup tallissutissaa nunami teknikkimut atorneqareersumi inissisimanissaa Naalackersuisoqarfiup aalajangiinnermini pingaartippaa. Kilisaatinut terminalip pioreersut kujataanut aammalu suliffissuaqarfimmut, ilaatigut asfaltiorfiup inissisimaffigisaanut inissinneqassaaq. Talittarfiup 50 meterinik ilaqinneqarnissaa isikkumigut naleqquttussatut naliliiffigineqarpoq, aammalu kilisaatinut terminalimi tamarmiusumi teknikkimut atortunut ilaassalluni. Kiisalu naliliineq malillugu talittarfiup tallissutissaa kisimiilluni kilisaatinut terminalip tamarmiusup nunami isikkuanut naleqqiulluni isikkumigut killilimmik immikkooruteqassaaq.

Napasut RD-t

Naalackersuisoqarfiup aalajangiinnermini pingaartippaa, napasunik RD-nik atuinnermi immap naqqani qaartitsinerit amerlassusissaat ikilisinneqassasut, kiisalu napasut RD-t immap iluani nipiliornermik annikinnerungaatsiartumik pilersitsissasut. Kiisalu talittarfiup takissusiata 50 meterinik ilaneqarnera suli immap naqqani qaartiterinnermi sunniutissanit, ASN-imut nassuiaammi naliliiffigineqartunit annikinnerungaatsiartussaapput..

Ujaqquerivimmik toqqaanerup allanngornera

Naalackersuisoqarfiup naliliinnermini pingaartippaa, ujaqquerivimmik toqqaanerup allanngornerani, ingerlavissatut toqqaarneqartumi najugaqarfiit angallannerlu annikinnerpaamik akornusersorneqassasut. Kiisalu Naalackersuisoqarfiup paasivaa, ujaqqanik qaartiterilluni piiakkanik assartuussinerup aallartinneginnerani pinaveersaartitsinnermi iliuusissatut pisuinnarnut aqqusineq 500 meterit missaanniittoq sananeqarniartoq, aammalu aqqusinnermi nalunaaqutsersuutit nutarterneqarniartut. Sikuki aqqusernit paarlaffianni ulappuffiusumi inunnut angallattunut pinaveersaartitsiniarluni iliuusissanik siunnersuuteqarmat Naalackersuisoqarfimmiit iluarisimaarneqarpoq.

Nalunaaruteqarnermi najoqqutassat aammalu tassani avatangiisit pillugit naliliinerit tunngavigalugit, taakkulu avatangiisinut naliliinernut, ASN-imut nassuiaammi allassimasunut sanilliullugit Naalackersuisoqarfik naliliivoq, sulasamut allannguutissat nunami avatangiisinut avatangiisinulluunniit allanut (taakkunungalugu naasut uumasullu, nipiliornerit, silaannarmik mingutsitsinerit, silap pissusii il.il. ilanngullugit) annertuumik sunniuteqassanngitsut.

Suliassamut allannguutissat tunngavissat matuma siuliani allassimasut avatangiisinut annertuumik sunniuteqartussaannimmata, ASN-imut nalunaarut naapertorlugu suliassanut allannguutissat ASN-iliortussaataaffiussanngillat.

Tamanut saqqummiussineq aamma naammagittaalliornissamut ilitersuut
ASN-inut nalunaarummi §§ 22 aamma 23 naapertorlugit Pinngortitamut
Avatangiisinullu Naalakkersuisup aalajangiineq uani www.naalakkersuisut.gl
kiisalu nuna tamakkerlugu najukkanilu tusagassiuutini tamanut
saqqummiutissavaa.

Avatangiisinik allanngutsaaliuinissamut inatsimmi² § 60, imm. 1 naapertorlugu
aalajangiineq, Avatangiisit Innarlitsaaliorneqarnissaat pillugit
Naammagittaalliuuteqartarfimmut, ASN-inut nalunaarummi § 33 naapertorlugu
Naalakkersuisunit pilersinneqartumut, naammagittaalliuutigineqarsinnaavoq.

Avatangiisinik allanngutsaaliuinissamut inatsimmi § 60, imm. 2 naapertorlugu
naammagittaalliorsinnaatitaapput:

- Aalajangiiffigineqartoq
- Nunatsinni Nakorsaaneqarfik
- Kinaluunniit suliap qanoq naammassineqarnissaanut nammineq immikkut
annertuumillu soqutigisaqartoq
- Peqatigiiffiit suleqatigiiffiillu, malittarisassatik naapertorlugit nunanik
peqqissarfiullutik qasuersarfiusartunik, avatangiisinik pinngortitamillu
annertuumik soqutigisanik isumagisaqarnissamik siunertaqartut

Naammagittaalliornissamut killigitinneqarpoq, avatangiisinik
allanngutsaaliuinissamut inatsimmi § 60, imm. 3 naapertorlugu aalajangiinerup
nalunaarutigineqarnerata ullua aallarnerfigalugu sapaatit akunneri arfinillit.

Naammagittaalliussagaanni taanna uunga tunniunneqassaaq:

Pinngortitamut Avatangiisinullu Naalakkersuisoqarfik
Imaneq 1A
Postboks 1614
3900 Nuuk
E-mail: pan@nanoq.gl

Naalakkersuisoqarfiup tamatuma kingorna naammagittaalliutaasoq Avatangiisit
Innarlitsaaliorneqarnissaat pillugit Naammagittaalliuuteqartarfimmut,
najoqqutassat suliami naliliinermi ilaatinneqartut ilanngullugit, nassiutissavaa.
Tamatuma peqatigisaanik suliami naammagittaalliummik
tigusaqartoqarsimasoq, suliami pineqartut paasissutissinneqassapput.

Naammagittaalliuuteqartarfiup aalajangiinera allaffissornikkut oqartussamut
allamut suliakkiissutigineqarsinnaanngilaq, takuuk avatangiisinik
allanngutsaaliuinissamut inatsimmi § 60, imm. 4.

² Avatangiisit innarlitsaaliorneqarnissaanik Inatsisartut inatsisaat nr. 9, 22. november 2011-meersoq

Naalakkersuisut allatut aalajangiisimanngippata, avatangiisinik allanngutsaaliuinissamut inatsimmi § 63, imm. 1 naapertorlugu, tamat naammagittaalliornerat piffissami Avatangiisit Innarlitsaaliorneqarnissaat pillugit Naammagittaalliuuteqartarfiup naammagittaalliuutinik suliarinninnerani, kinguartitsinermik sunniuteqassanngilaq.

Naammagittaalliornissamut killigitinneqartup naanissaa sioqqullugu illuliorluni sanaartorlunilu suliaqarnerit aallartinneqaqqusaanngillat, takuuk Avatangiisinik allanngutsaaliuinissamut inatsimmi § 64, imm. 1.

Aalajangiineq, aalajangiinerup nalunaarutigineqareernerata kingorna qaammatit arfinillit iluanni eqqartuussivinnut suliaqqutiginneqarsinnaavoq, takuuk avatangiisinik allanngutsaaliuinissamut inatsimmi § 65.

Inussiarnersumik inuulluaqqusillunga



Natuk Lund Meire

Naalakkersuisoqarfimmi pisortaq

Pinngortitamut Avatangiisinullu Naalakkersuisoqarfik